



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Eyn kurtzer außzug/ auß dem Bebstlichen rechten der  
Decret vnd Decretalen/ Jn den artickeln/ die vngeuerlich  
Gottes wort vn[d] Eua[n]gelio gemeß sein/ oder zum  
wenigsten nicht widerstreben**

**Spengler, Lazarus**

**[Nürnberg], 1530**

**VD16 S 8234**

Distinctio. i.

**urn:nbn:de:hbz:466:1-33264**

## Tractatus de Penitentia.

### Distinctio. j. Quest. iij.

**D**as ein rewig vertreulich hertz / auf die eyinig götlich verheyssung / zu abtilgung menschlicher begangner sündt / gnugsam sey / on alle mündliche peycht / vnd menschliche gnugthüung.

Das der menschlich will / vnd das werck einer sünd oder lasters / gleychmessig gestrafft werden.

Das nit allein die / die mit der handt tödten / sunder auch die / so rath vnd that darzu geben / für todt schleger sollen gehalten werde / dieweyl in offentlich en übelthaten / der will vnd das gemüte für das werck zürteylen sey / vnd Got der ein erforscher der nyeren vnd hertzen ist / einen yeden den er vordert / der gestalt vrteylt / wie er in findet.

Das die mündtlich orenpeycht nit darumb beschicht / gnad vnd vergebung der sünden zierlangen sunder allein zu anzeygung vorgeender rew des hertzens / Dann in der peycht würdet die sündt nit nach gelassen / dieweyl sie schon als nachgelassen anzeygt würdet.

### Dist. ij.

Das das ein rechter Christenlichen glaub sey / der durch die lieb lebendig vñ thettig ist / vnd das durch denselben glauben / allein vergebung der sünden verheyssen werd / vnd das auch glaub vñ lieb nit on ein ander sein mögen / zu gleicher weyse auch / wie durch

G ij

Ambrosius  
Petrus  
Iohan: Crisosto.  
Lachrime  
Augustinus  
Magna pietas.

Quisquis.

Augustinus  
Periculose.  
Omnis iniquitas  
Ciprianus  
Nunquid Cayn

Iohannes.  
Omnis qui non

Augustinus  
Charitas est  
Sicut Sera.